

LEMBARAN MAKLUMAT PRODUK

JAMINAN PERKAPALAN-i

Pelanggan yang dihormati,
Lembaran Maklumat Produk (LMP) ini memberikan anda maklumat penting mengenai Pembiayaan Perdagangan anda.

Pelanggan lain telah membaca LMP ini dan mendapati ia bermanfaat; **anda juga disarankan untuk membacanya.**



Export-Import Bank of Malaysia Berhad
(Anak syarikat Bank Pembangunan Malaysia Berhad (BPMB))

Tarikh:

1. Apakah Jaminan Perkapalan-i?

Jaminan Perkapalan-i (Shipping Guarantee-i/SG-i) ialah jaminan ganti rugi yang diberikan oleh pihak Bank kepada syarikat perkapalan untuk melepaskan barangan tulen dan patuh Syariah kepada anda tanpa/ sementara menunggu penyerahan Bil Muatan asal di bawah surat kredit tertentu yang dikeluarkan oleh Bank. Konsep Syariah yang terpakai bagi produk ini ialah:

- **Kafalah:** *Kafalah* merujuk kepada kontrak di mana penjamin menggabungkan tanggungannya dengan pihak yang dijamin dalam memikul liabiliti tertentu pihak tersebut.

2. Ketahui Tanggungjawab Anda

Anda hendaklah menanggung rugi Bank terhadap sebarang percanggahan dalam dokumen yang diterima kemudian, serta sebarang tuntutan yang dibuat di bawah SG-i. Anda juga hendaklah memastikan had SG-i kekal aktif dan mencukupi untuk penggunaan. Selepas penyerahan Bil Muatan atau dokumen hak milik lain kepada syarikat perkapalan, anda dengan segera mesti mendapatkan pengakuan yang diperlukan daripada syarikat perkapalan tersebut dan seterusnya memulangkan SG-i kepada Bank tanpa berlengah

Yuran dan Caj

Jenis Yuran dan Caj	Kuantum
Komisen SG-i	0.1% setiap bulan; Min: RM100
Penalti untuk SG-i yang tidak dikembalikan dalam tempoh sebulan dari tarikh pengeluaran	0.1%

- Sila dapatkan Piawaian Yuran dan Caj Bank daripada Pengurus Perhubungan anda. Atau layari laman web kami di <http://www.exim.com.my/>

Sekiranya saya gagal menunaikan kewajipan saya?

- Pihak Bank boleh membekukan kemudahan anda mengikut budi bicara mutlak kami dan anda akan dikenakan penalti kerana tidak mengembalikan SG-i.
- Tindakan undang-undang akan diambil atas kegagalan anda untuk melaraskan atau menyelesaikan jumlah tertunggak.

3. Ketahui Risiko Anda

- Anda dikehendaki untuk membayar caj demuraj (kos kelewatan), caj gudang, dll. sekiranya anda gagal menuntut barang anda.
- Anda dikehendaki untuk membayar penalti sekiranya anda gagal memulangkan SG-i.
- Anda hendaklah menanggung semua kos yang berkaitan dengan sebarang tindakan undang-undang yang dikenakan ke atas anda.

4. Terma Utama Lain

- Cagaran: Bank mungkin meminta anda menyediakan sekuriti/cagaran yang boleh diterima oleh Bank.
- Perlindungan Takaful: Anda dikehendaki untuk melanggan perlindungan Takaful yang sesuai, melainkan tiada kemudahan Takaful tersedia dan tertakluk kepada keperluan dalaman Bank.
- Perubahan Butiran Perhubungan: Adalah penting untuk memaklumkan Bank mengenai sebarang perubahan pada butiran perhubungan anda bagi memastikan semua surat-menyurat sampai kepada anda tepat pada masanya.

Bantuan dan Penyelesaian

Jika anda mempunyai aduan atau memerlukan bantuan, anda boleh menghubungi:



Export-Import Bank of Malaysia Berhad
+603 2601 2000
communications@exim.com.my
www.exim.com.my



Agensi Kaunseling dan Pengurusan Kredit (AKPK)
Untuk perkhidmatan percuma seperti kaunseling kredit, pendidikan kewangan dan penstrukturkan semula hutang bagi PKS
+603 2616 7766
<https://www.akpk.org.my/?latest-updates=all>



Bank Negara Malaysia LINK or TELELINK
Jika anda tidak berpuas hati dengan penyelesaian aduan yang diberikan oleh pihak Bank
1-300-88-5465
bnmtelelink@bnm.gov.my



Financial Market Ombudsman Service (FMOS)
+603 2272 2811
www.fmos.org.my

Tanggungjawab anda adalah untuk:


Membaca dan memahami terma-terma utama dalam kontrak sebelum menandatangani.



Pastikan anda melunaskan caj keuntungan, membayar bil yang telah matang, ansuran bulanan dan/atau sebarang yuran dan caj lain (jika ada) tepat pada masanya dan sepenuhnya sepanjang tempoh pembiayaan/fasiliti. Sila hubungi kami sekiranya anda ingin menyelesaikan pembiayaan anda lebih awal.



Hubungi kami dengan segera sekiranya anda tidak dapat membayar ansuran bulanan / jumlah perlu dibayar tepat pada masanya.

Penafian: Maklumat, terma dan syarat dalam helaian pendedahan produk ini adalah bersifat indikatif dan tidak mengikat Bank. Terma dan syarat muktamad akan dinyatakan dalam Surat Tawaran/ Surat Kemudahan/ Perjanjian Induk selepas penilaian kredit yang sewajarnya serta kelulusan akhir oleh pihak pengurusan Bank.

NOTA PENTING: TINDAKAN UNDANG-UNDANG BOLEH DIKENAKAN KE ATAS ANDA JIKA ANDA GAGAL MEMBUAT PEMBAYARAN UNTUK KEMUDAHAN INI PADA MASA YANG DITETAPKAN.

Pengakuan Pelanggan*

Pastikan anda mengisi sendiri bahagian ini dan memahami apa yang anda tandatangani.

☐

Saya mengakui bahawa EXIM Bank telah memberikan saya salinan LMP.

☐

Saya telah membaca dan memahami maklumat penting yang terkandung dalam LMP ini.

*Pengakuan pelanggan terhadap LMP ini tidak akan menjejaskan haknya untuk mendapatkan penyelesaian sekiranya timbul sebarang pertikaian berhubung terma dan syarat produk pada masa akan datang.

Nama: _____

Tarikh: _____

Cop Syarikat